



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Graden. Patriarchae.

urn:nbn:de:hbz:466:1-20006

ATREBATEN. EPISCOPO
& Cameracen. electo.

Epist. 161.
Vt concordia
iusta, & bona
sine interposita
transactio ob-
servetur.

Viris religiosus, & his præcipue qui beati Benedicti regulam sunt professi, non credimus expedire, ut ocio claustrali postposito, contra instituta sui ordinis discurrant per curias seculares, aut secularibus negociis involvantur. Inde est quod nos dilectorum filiorum Abbatis & Conventus sancti Vedasti Atrebaten. religioni & honestati consulere cupientes, discretioni vestrae per apostolica scripta mandamus, quatenus, si nobiles viri Comes Aionien. & Berunen. Advocatus à compositionibus quas idem Comes cum eisdem fratribus super possessionibus de Haspra. & pater præfati Advocati super possessionibus de Saillis & earum appendiciis voluntate propria inierunt, temere resiliere voluerint, eos ad observationem compositionum ipsarum, sicut sine pravitate factæ sunt & ab utraque parte receptæ, à nobis etiam confirmata, monitione præmissa per distinctionem ecclesiasticam appellatione postposita compellatis. Nullis literis &c. ut supra. Datum ut supra.

REMEN. ARCHIEPISCOPO
sanctæ Sabine Cardinali, & Abbati
sancti Remigij, & Decano Remen.

Epist. 162.
Vt Novio-
mentem Episcopus
tertia
decimarum
parte conten-
tum esse & ve-
natione mona-
stij S. Vedasti
abstinere
jubeant.

Significantibus nobis dilectis filiis Abbate & Conventu sancti Vedasti nostro est apostolatui referatum, quod Martinus quondam ejusdem monasterij Abbas tertiam partem decimationis de Moilaivis & de Ernaldmensnil ab R. quondam Noviomem. Episcopo recepit ad censum, & ei tantam se redditurum promisit annis singulis pensionem, quod reliquæ duæ tertiæ cum illa tertia vix sufficiunt ad solutionem ipsius, unde Ecclesia beati Vedasti jacturam enormem dicitur incurrisse. Propter quod venerabili fratri nostro Noviomem. Episcopo dedimus in mandatis ut illa tertia parte decimationis prædictæ (sicut justum est) de cetero sit contentus, & Ecclesiam ipsam super exactione præmissæ pensionis amodo non molestet. Quocirca discretioni vestrae per apostolica scripta mandamus, quatenus si supradictus Episcopus mandato nostro parere noluerit, & præmissis veritas suffragatur, vos auctoritate nostra suffulti memoratum Episcopum sua tertia ma-

nere contentum, & ab Ecclesiæ supradictæ super exactione pensionis illius molestatione cessare, sicut justum est, monitione præmissa per distinctionem ecclesiasticam appellatione remota cogatis. Si qua verò partium legitime citata &c. facientes quod decreveritis &c. Nullis literis &c. ut supra. Quod si omnes &c. tu frater Archiepiscopo cum eorum altero &c. Datum ut supra.

ELECTO CAMERACENSI,
sancti Anberti & sancti Gilleni Abbatibus
in Cameracen. diocesi constitutis.

VT loca religiosa & fratres in eis divinis obsequiis deputati violentiæ non subjaceant laicali, sed instituta sui ordinis colant potius in quiete, specialis est eis gratia facienda, ne pro sui juris defectu secularibus immisceri negociis compellantur, & ad curias discurrere seculares. Hac igitur consideratione inducti, dilectis filiis Abbati & Conventui sancti Vedasti Atrebaten. providere volentes, discretioni vestrae per apostolica scripta præcipiendo mandamus, quatenus si de malefactoribus suis per diocesanos Episcopos justitiam non potuerint obtinere, vos post trinam admonitionem eisdem Episcopis factam, malefactores eorundem fratrum ad exhibitionem justitiæ per censuram ecclesiasticam appellatione postposita compellatis, facientes quod decreveritis per distinctionem ecclesiasticam inviolabiliter observari; nec sententiam in eos latam à vobis, nisi damna & injurias passis prius fuerit satisfactum, aliquis audeat relaxare. Volumus etiam nihilominus & mandamus ut cum ab eodem Abbate & fratribus fueritis requisiti, ad eorum monasterium accedentes, quæ corrigenda fuerint in capite vel in membris, auctoritate freti apostolica corrigatis. Nullis literis &c. ut supra. Quod si omnes &c. duo vestrum &c. Datum Romæ apud sanctum Petrum.

Epist. 163.
Vt Episcopus
per censuras
compellant
monasterium
S. Vedasti con-
tra suos adver-
sarios jure tue-
ri.

GRADEN. PATRIARCHÆ.

Constituti in præsentia nostra dilecti filij Iacobus & Olivierius nuncij Clericorum plebanatus de Quinto, & dilectus filius Archidiaconus Tarvisinus, pro causa quæ inter ipsos ex una parte & Archidiaconum memoratum ex alia super jure ipsius archidiaconatus fuerat agitata, & tandem ad nos per

Epist. 164.
Vt causam Ar-
chidiaconi Tar-
visini contra
Clericos de
Quinto jure
decernat.

appellationem delata, diffinitioni ejus contrariis affectibus intendebant, & cum vellent adinvicem litigare, dilect. filium G. SS. Cosmæ & Damiani Diaconum Card. ipsis concessimus auditorem. Cùmque partes in ejus essent præsentia constitutæ, prædicti nuncij pro ipsis & parte sua firmiter asserebant quòd causa eadem post tractatum diutinum amicabili tandem fuerat compositione sopita: quam quidem Archidiaconus juramento, Episcopus verò sub pena mille librarum se promiserat firmiter servaturum. Ex adverso autem prædictus Archidiaconus proponebat quòd cum videret partem adversam sibi super observatione compositionis factæ molestiam irrogare, bonæ mem. Clementi Papæ prædecessori nostro suam curavit proponere quæstionem: qui tandem ipsum à præfrito juramento post causæ cognitionem absolvit, & licentiam ei dedit ut archidiaconatus sui jura, non obstante compositione illa, prosequi non cessaret; præsertim cum eam præfatus Episcopus non servasset, & tam ipse quàm plebani focij ejus super hoc contra mandati apostolici formam eum plurimum molestassent. E contra præmissi nuncij affirmabant quòd Episcopus suus contra compositionem non venerat, immo ipsi Archidiacono querenti responderat quòd paratus erat facere quod deberet, sicut per instrumentum publicum ostendebatur, & quòd Archidiaconus contra juramentum licitum ac sponte interpositum nulla debuisset ratione venire. Et si fortè sibi esset aliquo modo (quod non credebant) indulgendum, prius quæ contra compositionis formam præsumplerat, emendare penitus tenebatur, quàm statueretur aliquid super negotio principali. Ceterum cum in præsentia Card. prædicti diutius litigassent, tandem auditis per eum quæ duxerant proponenda, fratrum nostrorum consilio habito diligenti, causam ipsum sub certa forma tuæ fraternitati duximus committendam, per apost. tibi scripta mandantes, quatenus utramque partem ad observationem compositionis prædictæ (quam licitam esse comperimus, & ideo juramentum pro ipsius observatione interpositum censuimus fore servandum) non obstante absolute prædictæ, quam credimus per subreptionem obtentam, per censuram ecclesiasticam sublato appella-

tionis obstaculo compellere non omittas, in irritum apost. auctoritate reducens si quid contra compositionem prædictam per prædictum Archidiaconum cujuslibet auctoritate rescripti noveris immutatum. Si quid verò postmodum inter eos fuerit quæstionis, partibus ad tuam præsentiam convocatis audias, & illud appellatione remota debito fine decidas. Volumus præterea nihilominus & mandamus, quatenus Clericos & laicos, qui occasione quæstionis prædictæ, quam cum Archidiacono habuerunt, excommunicationis, suspensionis, vel interdictionis sunt vinculo innodati, secundum Ecclesiæ formam absolvas; illos qui ipsis bona sua per violentiam abstulerunt, ad restitutionem eorum, sicut justum fuerit, ecclesiastica censura remota appell. compellens, & non permittas quòd ipsis super beneficiis suis gravamen vel aliqua molestia ab aliquo indebitè inferatur. Illos verò quos Ecclesias violasse & manus in Clericos temerarias injecisse constiterit, tamdiu facias sicut excommunicatos ab omnibus arctius evitari, donec passis injuriam &c. & cum testimonio literarum &c. Datum ut supra &c. i v. Idus Maij.

*ARCHIEPISCOPIS ET ALIIS
Ecclesiarum Prelatis, Marchionibus, Comitibus, Baronibus, & aliis nobilibus viris, & universis Christi fidelibus ad quos literæ istæ pervenerint.*

Cum ad capiendas vulpes parvulas, quæ demoliant vineam Domini Sabaoth, species quidem habentes diversas, sed caudas adinvicem colligatas, quia de vanitate conveniunt in idipsum, & hæreticos ab fidelium confortio excludendos, dilectum filium fratrem Rainerium, potentem divino munere in opere & sermone, & cum eo dilectum filium fratrem Guidonem, virum Deum timentem & vacantem operibus caritatis, ad partes vestras duxerimus destinandos, universitatem vestram rogamus, moneamus, & exhortamur in Domino, & in remissionem injungimus peccatorum, quatenus eos benignè recipientes pariter & devotè, contra hæreticos ipsis potentè & viriliter assistatis, eis consilium & auxilium impendentes. Verum quia frater Rainerius pro arduis Ecclesiæ negociis in Hispaniam de mandato processit

*Epist. 161.
Ut commul-
tis apostolicis
contra hære-
cos auxilio
sint.*